



## Ali Akbar Guzar Gaye

Athaara saal mein ali akbar guzar gaye

\*Maa jeeti reh gayi\*, wo jawaani mei mar gaye

1. Ro ro ke shaah kehte the, dhundhu tumhe kahaa

Beta na lo ghareeb ki ghurbaat ka imtehaan

\*Awaaz do hussain\*, ko akbar kidhar gaye

2. Tum kya gaye ke lut gayi, zehra ki laadli

Din ho gaya siyaah nigaaho mei baap ki

\*Le kar nazar bhi ay\* mere noore nazar gaye

3. Dil kya hai tootne na diya ek baal tak

Zainab ne jo sawaare hai athaara saal tak

\*Haaye wo gaysu khaak\* mei, maqtaal ki bhar gaye

4. Manzar ye ambiya se bhi dekha nahi gaya

Jab fatema ke laal se utha nahi gaya

\*Bal guthniyo ke sibte\* nabi laash par gaye

5. Shere khuda ne sine se apne laga liya

Yaad aagaya rasool ko pehlu e sayyada

\*Akbar jo leke khud\* mein zakhme jigar gaye

6. Afsos maa ke khwaab to bas khwaab reh gaye

Akbar bhari jawaani mein dulha na ban sake

\*Armaa(n) pisar ke saath\* lahed mei utar gaye

7. Dukh aur ye mareez behen ke badha gaya

Sughra ka intezaar lehad tak chala gaya

\*Karbobala se lawt\* ke akbar na ghar gaye

8. Kaampi nabi ki qabr madina laraz gaya

Sughra se milke maa ne takallum ye jab kaha

\*Duniya se hum shabihe\* nabi kooch kar gaye